



Præ. N. num. 22.

Q. D. B. V.

1687, 21

DISPUTATIO JURIDICA

DE

30

EXCEPTIONE INHABILITATIS CONTRA ADVOCATUM,

P 470.

Quam
Permissu Illustris J^Ctorum Jenensium
Ordinis,
PRÆSIDE

DN. JOHANN-CHRISTOPHORO

Winnich / J. U. D.

Dn. Patrono, ac Præceptore suo æternum colendo,

Ad diem Julii

Anni c^o, l^oc. LXXXI.



In Auditorio Juridico

Publicæ Eruditorum censuræ exhibit

GOTTOFREDUS SCHELLER,

Plavia-Variscus.

AUTOR & RESPONDENS.

JENÆ,

L iteris Samuelis Adolphi Mülleri.

4

DISPUTATIO JURIDICA

EXCEPTIONE IN HA


BILLIATIS CONTRA

AD

**DEO
PATRIÆ**

&

PATRONIS.



In Auditorio Juridico

AUTOR & RESPONDENS

L. Hartmann





AUSPICE JUDICUM JUDICE.

DE

EXCEPTIONE IN-

HABILITATIS

PRAEFATIO.



Nobilissimam Advocatorum esse functionem, humanoque generi, ac Reipublicae potiori favore dignissimae, maxime necessariam, ex notissima, inque omnium ferè ore versante *l. Advocati. 14. Cod. d. Advoc. divers. Judic.* abundè constat, neque DD. à praelaudatae legis, Advocatorum encomium continentis, dispositione recesserunt, *Dn. BRUNNEM. ad d. l. PEREZ* aliique DD. omnes: modò sint honesti, pii, Jurisque scientià ornati Viri *CARPZ. in Jurisprud. for. p. 1. c. 1. d. 18. n. 5. BRUNNEM. cit. loc. n. 3.* Indigni itaque eo sunt

sunt in encomio, qui omnia, cupiditate lu-
cri illecti, moliuntur, ut litem vincant, ju-
sta ac in iusta, per fas, & etiam per nefas,
aus allen beyden Fass / uti jocose refert
*CARPZ. p. 1. c. 1. d. 20. n. 1. ex JOH. PETR.
ALAI in tract. de Advoc. & causid. Christi p. 1
q. 12.* Qui non eloquentes, sed simpliciter lo-
quentes, garrientesque existunt, quibus o-
ptime convenit Titulus Rabularum : Qui
scribæ officio functi, aut prorsus opifices
sunt, nec Juri operam in Academiis dede-
runt : Qui lites ex litibus serunt, subditos
contra Magistratum suum concitant : qui
se venales exponunt, & venientibus occur-
runt, dicentes : Domine, bene veniatis,
quid habetis facere in curia ? Si vobis ne-
cessarium est meum servitium, præcipiatis,
sicut refert *CARPZ. p. 1. c. 1. d. 21. ex SPECK-
HAN. class. 4. q. 44. n. 4.* Alii; adhuc plures
reperiuntur indigni, quos omnes hic enu-
merare nimis longum foret. Quare rectis-
sime eminentis Prætoris magna non pati-
tur autoritas ejusmodi farinae homines a-
pud

d enotat ! In *speciali* verò saltim illam, quã quis p̄ro alio coram Iudice causam orare impeditur ; & hanc *specialem* significationem in nostro versari proposito, neminem, verba subsequenta Tituli Dissertationis nostræ intuentem, dubitaturum credo.

Synonymia Th. III. Eundem significatum cum vocabulo *Inhabilitatis* habere videntur Incapacitas, ineptitudo.

Etymologia Th. IV. *Advocatum* autem ab advocando dici, quia advocatur eum in finem, ut partibus adsit, easque adjuvet, nullum habebitur dubium. *Dn. D. OSVVALD. HILLIG. in Donell. Enucl. lib. 18. cap. 3. lit. A. TARENT. Adelph. Act. 2. scen. 5.* ubi Mitio sic loquens adducitur: *Amicus quidam me à foro abduxit modò huc advocatum sibi ; & paulo inferius cit ; loc. Idem Mitio ; Advorsum ne illum causam dicerem, cui veneram Advocatus.*

Homonymia Th. V. Proindeque *ampliori* verbi usu omnes, qui causis agendis quoquo studio operantur, & in omni tractatu negotii adfuturi sunt, comprehenduntur. *ULPIAN. l. preses. §. advocatus ii. ff. d. Extraord. cognit. Dn. OSVVALD. HILLIG. cit. l. PETR. GREG. THOLOS. in Synag. Jur. univ. lib. 40. cap. 6. n. 5.*

Th. VI. *Angustiori* verò, qui nostri propositi est, is saltim venit, qui suã authoritate, consilio, & operã litigantem in iudicio adjuvat. *Dn. D. OSVVALD. HILLIG. cit. l. lit. O. Dn. CARPZ. in process. Jur. tit. 5. art. 1. §. 1. n. 9. THOLOS. d. l.*

Synonymia Th. VII. Dicitur alio nomine causæ Patronus, Orator, Rhetor, Causidicus, *THOLOS. d. l. n. 2. Magnif. D. BECHMAN. in Comment. ad ff. V. i. pare. 1. Exerc. 8. n. 22.*

Th. VIII. Et quamvis Jure civili multum fuerit discriminis inter *Advocatum* & *Procuratorem*, uti prolixè ostendit *DONELL. & HILLIG. lib. 18. c. 3. lit. O.* usque ad lit. R, *GIFAN. ad Rubricam ff. d. Procur. n. 10. & seqq.*

Jeqq. Imprimis, quòd *Advocatus*, vigore officii pu-
 blici, sub pœnâ privationis officii compelli possit ad
 præstandum patrocinium *l. providendum 7. in verbis:*
careat foro. Cod. d. postulando GAIL. lib. 1. obs. 43. num. 5.
 nisi certâ nitatur excusatione *d. l. providendum. Gail.*
d. l. Procurator verò non item. l. in vitus 17. Cod. d. Pro-
cur. neque ratio hujus diversitatis deest solida: quia
Procurator ex mandato suscepto negotia gerit, ad
quod suscipiendum in vitus cogi non potest. Imp. Just. in
S. mandatum non suscipere 11. Inst. d. mandato. l. in vitus
Cod. d. procur. DONELL. & HILLIG. cit. l. lit. O. GAIL.
cit. l. n. 2. Porro quòd *Advocati* officium valde sit lau-
 dabile, atque honorabile *l. advocati 14. Cod. d. Advoc.*
divers. Judic. CARPZ. in Proc. Jur. tit. 5. art. 1. S. 1. n. 14.
GAIL. cit. l. n. 4. DONELL. & HILLIG. cit. l. Procuratoris
 verò vile admodum, adeò ut etiam infamis non arcea-
 tur *S. ult. Inst. d. Except. l. si quis procuracionem 43. Cod.*
d. Decur. DONELL. & HILLIG. d. l. lit. P. GAIL. cit. l.
n. 5. & 8. CARPZ. cit. l.

Th. IX. Hodie tamen res se habet aliter, & non
 amplius *Procuratoris* officium vile est, sed honestum,
 ac, uti *Advocati*, honorificum, tum, secundum Jur.
 Can. dispositionem in *can. 2. caus. 3. q. 7.* tum, per *ordini-*
Camer. p. 1. lit. 18. cujus vigore nemo in *Procuratorum*
 numerum suscipitur, nisi sit *Doctor* vel *Licentiatus:*
GAIL. cit. l. n. 7. CARPZ. cit. l. n. 15. tumque denique
 aliorum insignium, curiarum provincialium, beneque
 constitutorum *Judiciorum* moribus, attestante *OSWAL.*
HALLIG. in Donell. Envel. lib. 18. c. 3. lit. 2. GAIL. cit. l. n.
8. CARPZ. cit. l. n. 19. 20. 21. PETR. GREG. THOLOS. in
Syns. Jur. lib. 49. c. 4. n. 5.

Th. X. Hinc fluit, quòd *Procurator*, in *Came-*
râ æque sub pœnâ *Privationis officii*, ut *Advocatus*, ad
 præ-

præstandum patrocinium compelli possit. *Ordin. Cam. p. 1. tit. 10. §. 5. GALL. disc. l. no. CHIL. König. in process. p. 1. c. 12. n. 4. & seqq.*

Th. XI. His ita nunc præmissis, de facili constare arbitror, quod sic, hodiernis imprimis moribus, inclusam (certo respectu) *Procuratoris* habeamus personam, ut æque contra eam *Inhabilitatis Exceptio*, secundum nostri propositi rationem, obtineat.

Th. XII. Describere itaque sic placet *Exceptionem Inhabilitatis* quod sit jus, quo litigans in iudicio contra litigantis causam Oraturum utitur, eum in finem, ut non admittatur, instantiaque dissolvatur.

Quis opponere possit. Th. XIII. Opponere autem hanc *Exceptionem* potest vel ipse *Principalis*, vel minus *Principalis* imò & quandoque iudex ad evitandam *Processus nullitatem*.

Quæstio. Th. XIV. Sed pone, filium & patrem concurrere in foro, an etiam *Exceptione* hac filius (v. g. si pater jura non didicerit in *Academiis*, vel in bannum *Imperii* inciderit) contra patrem uti possit? *Affirmativam* conabimur tueri (1.) Quia pater satis dare tenetur *l. fideiussor. 2. §. 2. ff. qui satis dare cogantur &c.* (2.) *arg. l. 2. ff. de arg. princ. Inst. de inoffic. test.* (3.) *l. 2. §. 4. ff. de Except.* ubi generaliter asseritur, *Exceptiones* quasdam ex persona esse dilatorias (4.) *arg. l. 4. §. 1. l. 13. ff. de in ius vocando. §. penales. 12. Inst. de Action. ex* quibus *Juris* textibus satis patet, veniam ab ipso *Pratore* impetratâ, patrem in ius vocari posse, quod hodiè, vetusto in ius vocandi more desuetudine in umbrato, minus habet dubii: cui itaque jus competit agendi, illi etiam jus excipiendi: cum Excipiens pro *Actore* habeatur *ULPIAN. in l. agere 1. ff. de Exception.*

Th. XV. Ob stare videtur *l. liberro. 9. ff. de obsequiis parentibus & patron. præst.* ex qua clarum evadit,

dit, semper sanctam, honestamque personam patris filio videri debere, proindeque minimè videtur permittendum esse, ut filius praelaudatà contrà Partem Exceptione utatur. Resp. Nihil iniquitatis aut impietatis injuriæve filium secundum legitimos trames excipientem, contrà Patrem committere: cum is, qui jure suo utitur, nemini faciat injuriam. Rectius tamen & religiosius filium hoc in passu facturum arbitramur, si ab ejusmodi Exceptione abstinerit
arg. 1. §. 5. ff. arg. §. offendimus. Inst. de susp. Tut. vel Curat.

Th. XVI. Ad ipsam propositi nostri rationem propius pervenientes, præmittendum duximus, quasdam personas, variis ex causis in judiciis pro aliis causas tractaturas, non esse admittendas: vel ob ætatem minorem, Juris Imperitiam, mandati carentiam, sexum, Infamiam, prohibitionem à Judice factam, ebrietatem, militiam, casum, vel obaliam supervenientem causam, de quibus ordine.

Contra quem.

Th. XVII. Ætatem quod attinet, masculum, annos septem & decem completos annos nondum habentem, in tantum ad Advocationis munus gerendum esse *Inhabilem*, ut etiam, neglectà ab Adversario *Inhabilitatis* Exceptione, ipse Judex ex officio illum rejicere possit, ne quidem de Jure Civili, *l. hunc situlum. 1. §. initium. 3. verb. pueritiam excusavit ff. de Postulando.* multo minus de jure Can. *cap. qui generaliter. 5. vers. ult.* ambigitur: cum incivile minusque decorum sit, eos, qui alienò auxilio in rebus suis administrandis egere noscuntur, & ab aliis reguntur, ad aliorum causas in judicio gerendas admittere §. *idem major. 13. Inst. de Excus. tut. vel curat. cap. Indecorum est 3. de atate & qual. & ord. præficiend.* PETR. GREG. THOLOS, in *Synt. Jur. lib. 49. cap. 6. n. 21.*

B

Th.

Th. XVIII. Nec obest, non nullos tam præco-
cisse sapientiã juvenes, ut *habiliores* ad causas tra-
ctandas in judicio sint sepe in minorennitate, quàm alii
in majorennitate. Resp. quod hoc per rarum, & mag-
gis ad id, quod frequentius contingit, respiciendum
sit. *arg. §. minorem natu. 4. Inst. de Adoptionibus.*

Quæst.

Th. XIX. Sed posito, aliquem esse quidem
majorem XVII. annis, minorem autem XXV. (J. ve-
rò Sax. XXI.) , an valide *Inhabilitatis* Exceptio ab Ad-
versario contrà ejusmodi *Advocatum* opponi possit?
Affirmandum hoc esse arbitramur *arg. §. in visi. 2. Inst.*
de Curat. l. minor. si. in pr. ff. de Procur. & Defens. l. exi-
gendi 12. Cod. de Procur. cap. qui generaliters. §. ult. de
Procur. in 6to. Dn. BRUNNEM. ad dist. l. Cod. Illustr.
Jct. STRUV. Exerc. ad ff. 7. thes. 30 Magnif. Dn. BECH-
MANN. in Comment. ad ff. vol. 1. part. 1. Exerc. 9. num. 29.
Dn. D. OSWALD. HILLIG. in Donell. Enucl. lib. 18. cap.
3. lit. T. Dn. CARPZ. in process. Jur. tit. 5. ars. 1. n. 3. It-
p. 3. Decision. Illustr. 207. n. 9. ZANGER. de Except. p. 2.
c. 8. n. 84. & seqq. usque ad n. 95. FRANCISC. DUAREN.
ad tit. ff. de Procurat. & defens. cap. 4. n. 11. WESENB.
SCHNEIDW. MYNSING. ad §. justa autem 5. Inst. quibus
ex causis manumittere non licet. nec ratio hujus decisio-
nis deest solida, quia minor XXV. (J. Sax. XXI.) annis
Advocatus seu Procurator, si admitteretur ab Adversa-
rio, causamque amitteret, restitui in integrum posset in
non mediocre ipsius Adversarii præjudicium. l. minor
2. Cod. qui legitimam pers. standi & c. 207. tit. ff. de minor.
viginti quinq. ann. Dn. OSWALD. HILLIG. cit. l. & alii
D. D. BRUNNEM. CARPZ. ZANGER. DUAREN.
THOLOS.

Th. XX. Graviter autem allata sententiã ad-
versari, sicque sibi metipsi contradicere videtur UL-
PIAN.

PIAN. *cit. l. & §. ff. de Postul.* ubi saltem is arceatur à postulandi munere, qui minor est XVII annis; non verò æquè is, qui major est XVII. annis, quamvis ad huc annis XXV minor sit: Imò ratio ab ULPIANO ibi adjecta, quòd nimirum major annis XVII. *habitus* sit ad procedendum in publicum, dissensum magis unà cum citato ibi exemplo de Nerva filio, qui hac ætate, aut paulo majore de jure publicè responsitavit, corroborare videtur. Resp. Minorem XXV annis, ab Adversario sine protestatione & oppositâ *Inhabilitatis* Exceptione, admissum, Prætorem humanitatis, doctrinæquè rationem habentem, prælaudatamquè ætatem ad procedendum in publicum moderatam consentem, non repellere, processumquè robur suum ob hanc admissionem à Prætore, tacente & patiente Adversario, factam, ipsò jure non amissurum. Brevibus. Jus in opposita lege ita est intelligendus, si Adversarius tacuerit, Jurequè suo minùs uti voluerit, tunc Prætor, cum hæc res jura partium concernat, Ipsiquè nulla imputari culpa possit, XVII. annis majorem admittit, & ita tenet *Dn. D. OSWALD. HILLIG. cit. l. & Dn. CARPZ. cit. process. Jur. tit. 5. art. 1. n. 29. it. p. 3. Decis. Illustr. 203. n. 9. & BRUNNEM. ad l. 12. Cod. de Procurat. n. 13.*

Th. XXI. Impedimento ulterius assertioni nostræ esse videtur §. *Just & 5. Inst. quibus ex caus. manum. non lic.* & *l. si collectancus 12. ff. de Manum. vindicta.* Ex quibus Juris textibus manifestissimè apparet, minorem XXV annis quendam ex servis suis, manumissurum *Procuratoris* habendi gratiâ, non aliter audiri, causamquè manumissionis à consilio approbari, quàm si servus, *Procuratoris* habendi gratiâ manumittendus, annis XVII. major sit: quos textus vulgò

DD. de Procuratore judiciali accipiunt WISENB.
disp. ad Inst. 5. t. h. 24. LUDWELL. *disp. ad Inst. 1. t. b.*
10. lit. D. FREUTLER. *Vol. 1. disp. 8. t. b. 1. lit. E.* pro-
indeque inferunt majorem XVII annis Procurato-
rem judicialem esse posse, alioquin Casar & Jctus non
præcisè in allegatis textibus exegissent, ut servus ma-
numittendus Procuratoris habendi gratiâ, annis XVII.
major sit, cum utique & puer ad negotia extra judici-
alia gerenda sufficiat, uti manifeste probat *l. de nig. 3. §.*
fn. ff. de minoribus l. sed etsi. 7. §. Pupillus 2. l. 3. ff. de Inst.
Action. arg. §. 36. Inst. de Actiomb. cor. cit. Inst. quod cum
eo, qui in alien. pot. est. est neg. gest. esse dic. Resp. omni-
nò negando, textus oppositos de Servo, Procuratoris
judicialis habendi gratiâ, manumittendo præcisè esse
intelligendos. OSWALD. HILLIG. *dist. lib. 18. cap. 3.*
nec titubantes reddimur, quod aliâs Casar & Jctus in
oppositis textibus aetatem annis XVII majorem, ut
moderatam ad procedendum in publicum, frustra
exegissent, si saltem Procuratorem extra judicialem
intelligendum esse voluissent: quippe cum & puer
servus talis esse possit. *d. l. 3. ff. de Inst. Act.*

Th. XXII. Regeritur namque secundum L. A-
liz sententiæ caput, justam manumissionis causam exi-
gens, nihil aliud, quam utilitatem XXV annis mino-
rum intendere, quem tamen finem vix consecutu-
rum esset, si approbaret, pupillum minus è re sui Do-
mini negotia gesturum, Procuratoris etiam extraju-
dicialis habendi gratiâ manumitti posse. *Dr. OSW.*
HILLIG. d. l. Resp. Posito, (sed in præjudicium veri-
tatis minimè concessò) oppositos textus commodè
capi posse de *Procuratore* judiciali: idem sensus ni-
hilominus iisdem optandus est, quem *l. 1. §. 3. ff. de*
postulando, aptavimus: nimirum, minorem XVII annis
Pro-

Procuratorem esse posse, si Adversarius taceat, nec opponat Exceptionem *Inhabilitatis*: Sin verò minus, non aq̄. Dn. CARPL. *in process. Jur. d. tit. & art. n. 30. & d. Decif. Illustr. n. 33.*

Th. XXIII. Sed quid dicendum est, si minor XXV. annis (jur. verò Sax. XXI.) sit oblongâ staturâ, barbâq; minus mediocri præditus, nonne sic ejusmodi corporis dotibus anni majorennitati deficientes, refarciantur? Resp. nullo modò, cum nulla de hac re lex loquatur, quare & nobis tacendum erit: & sic etiam in praxi observatum fuisse attestatur Dn. CARPZOV. *d. p. 3. Decif. Illustr. 203. n. 36.* uti ex verbis Responsi patet seqq. Ob num wohl Eurer Meinung nach in Rechten nicht so gar ausdrücklichen verboten / daß einem Minorenni, welcher seine Jahr noch nicht erreicht / das advociren vor Gericht aufgetragen werden könnte / auch euer andeuten nach der Advocat lang von Person und einen ziemlichen Barth hat. Daferne aber derselbe das 21. Jahr seines Alters nicht erreicht hätte / noch ein anders bey bringen möchte / Gegentheil auch ihn nochmahls zu lassen nicht gemeinet / so wäre ihr einen andern Advocaten zu bestellen schuldig B. R. W.

Th. XXIIV. Quidam D. Juris minor XXV. annis causas in judicio tractaturus est, opponitur ipsi ab Adversario *Inhabilitatis* Exceptio, quaritur an rectè? Resp. videndum esse, an D. Juris possit restitui in integrum: & quod non possit restitui, si læsus fuerit in his, quæ ad peritiam Juris pertinent, communiter DD. statuunt *Illustr. J. Crus STRUV. in Synt. Jur. Civ. Exercit. 8. th. 55. Dn. OSWALD. HILLIG. in Donell. Enucl. lib. 21. cap. 11. lit. B. Dn. BRUNNEM. ad Cod. tit. qui & adversus quos in integr. rest. non poss. & ad l. 6. n. 27. 26. & 27. Cod. de Muner. patrim. lib. 10. WISSEN B.*

disp. ad ff. 14. th. 4. FRANCISC. DIAREN. ad l. 1. i. Cod. qui & adversus quos &c. SCHNOBEL. disp. ad ff. 4. th. 18. QVIDO PAPÆ decif. 88. n. 4. BONETONLUS in annot. add. decif. QVID. PAP. SFORTIA ODDO de Restit. in integr. p. 1. quast. 23. art. 7. quia petitio ejusmodi hominis pugnaret cum suâ professione arg. l. professio 6. Cod. de munerib. Patrimon. lib. 10. & turpe esset causas oranti jus ignorare. Pompo. l. necessari-um 2. §. servitus 43. ff. O. J. Hinc cessante restitutio-nis in integrum metu, constabit, Adversarium cum sua Exceptione non esse audiendum contra D. Juris XXV annis minorem l. 1. §. 3. ff. de Postul. arg. l. 15. ff. de Procurat.

Th. XXV. Non tamen indistinctè omnis XXV annis major tutus est, quo minus ipsi inhabilitatis Ex-ceptio variis ex causis opponi possit : Quare ulterius requiritur, ut Juris peritia sit instructus, l. nec cate-rorum 2. Cod. de Postulando l. 9. Cod. de ll. l. 1. §. advoca-tos. 11. ff. de Extraord. cognition. l. nemini 11. §. 1. verb. facundia studiis eruditi Cod. de Advoc. divers. Judic. Or-din. Cam. Imper. p. 1. tit. 18. verneuerte Reichs-Doctraths Ordnung JMPER. FERDIN. III. tit. 7. in princ. SERE-NISS. ELECT. SAX. tit. 3. der Proceß und Gerichts-Ordnung §. besonders aber wollen wir. Dn. MEVIUS. p. 1. Decif. Wisn. 189. FIBIG. in proc. cap. 2. §. 1. Dn. NICOL. in process. cap. 6. n. 2. CARPL. in process. Jur. tit. 5. art. 5. §. 1. 16. in Jurisprud. p. 1. conf. 1. def. 18. u-bi præjudicium habet his formalibus : Do er nun auch seine Testimonia, daß er auff Universitäten gewesen und jura studiret / von seinen Præceptoribus, so er gehöret / zudeu Acten bringen / und er also auch seine Person gnug geschickt machen würde/so were Besl. etc.

Th.

Th. XXVI. Formulam excipiendi contra e-
jusmodi *Inhabilem* præbet Dn SCHWENDEND, in no-
tis ad FIBIG, *proccs. cit. c. 2.*

Th. XXVII. Hoc ita nunc posito, inquiren-
dum est, an ad docendam Juris scientiam, aptitudi-
nemque ad orandum causas, quodvis testimonium,
studii Juris in Academiis tractati, aut Disputationis
habita productio, aut opera in inferioribus Judiciis
praxi data, sit suffectura? Negativæ subscribimus
cum Dno MEVIO *p. 1. Decis. 189.* saltem in inferiori-
bus Judiciis ejusmodi hominem *Inhabilitatis* Exce-
ptionem à se averfurum, existimante: in superiori-
bus verò non æquè: quia non plena fides virtutis e-
jusmodi testimoniis haberi possit.

Th. XXVIII. An igitur tale, titulo Doctoris
dignè impetrato, insit, quæstionis est? Affirmativam
fovet MEVIUS *cit. Decis.* eamque fovere videtur Dn.
HALLIG. in Donell. *Enucl. lib. 18. cap. 3. lit. P.*

Th. XXIX. Ex traditis abundè patet, *Inhabili-
tatis* Exceptionem illi omninò nulla distinctione Ju-
diciorum adhibita, obsuturam, qui magis opificio &
liberis, quàm libris, Juris artem continentibus, de-
dit operam. Et hinc non injuria Senatus Torgavien-
sis contra pannificem quendam decrevit, daß er seines
Handwerks warten/ in den Umbsch und vor den Rath des
Advocirens/ Vorträge/ Eebscheidungen/ Contracte und
Brieffe zuverfertigen/ sich enthalten solle. Dn. CARPZ.
Resp. Jur. Elect. 5. lib. 3. n. 6. ubi in fine addit, non so-
lum in Leutatione, sed etiam in supremo Appella-
tionum Judicio prædictum Senatus Torgavientis de-
cretum confirmatum fuisse, additâ clausulâ, quæ d-
loco videri potest.

Th.

Th. XXX. Secundò etiam præter major èhnnitatem requiritur, ut *Advocatus* s. *Procurator*, etiamsi sit Jurisperitissimus, mandatò legitimè confectò, de quo tractat CARPL. *in proc. Jur. tit. 5. art. 1. §. 3. & Dn. NICOL. in proc. cap. 7. ubi in f. formulas tam ex parte Actoris, quàm Rei exhibet, sit instructus*: ratio sat clara est, quia iudicium in mandato substantiatur, pro ut loquitur BALDUS *in l. exigendi §. 2. Cod. de Procur. n. 4.* FELIN. *in cap. inter monasterium 30. X. de sentent. & re iud. n. 4.* quos refert CARPL. *cit. proc. n. 57.* Et hoc ipsum statim in litis exordio exhiberi debet, alioquin nihil agitur CARPL. *dict. proc. n. 55.* Ipsèque Iudex, parte legitimationem non exigente, ex officio ejusmodi *Advocatum* vel *Procuratorem*, ad nullitatem Processus evitandam, repellere potest & debet. BARTOL. *in l. 1. & in l. licet Cod. de Procurat. CARPL. lib. 3. Resp. Elect. 5. n. 14.* Dn. HILLIG. *in Donnell. Enucl. lib. 13. cap. 12. lit. G.* Dn. NICOL. *in process. cap. 7. n. 9.* BERLICH. *p. 1. concl. 14. n. 12. & seqq.* ZANGER. *p. 2. c. 8. n. 36. de Except.* cum reipubl. interfit ne iudicia reddantur elusoria, Dn. BRUNNEM. *ad l. licet. 24. Cod. de Procur. concordat. Ordin. Process. Judic. ELECT SAX. tit. 7. in pr.* Ex qua tria promanant dispendia, partim ad *Advocatum* s. *Procuratorem*, partim ad clientem s. *principalem*: videlicet (1.) positiones in iudicando non attenduntur, profususque ab Actis remouentur (2.) Impensæ, in instantiam factæ, parti adversæ sunt refundendæ (3.) *Advocatus* multam pecuniariam, & quidem primâ vice 5, pro secundâ, 10. thalerorum & sic consequenter incurrit; & secundùm prædictam ordinationem iudicari, testatur CARPL. *lib. 3. Resp. Jur. Elect. 5. num. 20. verb. Das die von Beschlagens Anwalden ohne Mandat eingebracht*

brachte Befehle von denen Aßen zu removiren / und iß
Beflagter Klägeru die Unkosten dieses Termins auff un-
sere Ermäßigung zu erstatten schuldig / der Advocat aber
wird um 5. Reichshl. billig in Straffe genommen / wel-
che durch unsern Leben und Gerichts Secretarium un-
säumlichen von ihm einzubringen V. X. W.

Th. XXXI. Sed quid, si blancetum, seu Char-
tam vacuam, ein Blanquet / producat *Advocatus* seu
Procurator, nonne tunc pro *habili* & satis legitimo
habendus? Neg. Chur Fürstl. Sächß. Appellation-
Ordnung / Tit. Ordnung wegen des Versehen verl. die
Advocaten eins theils etc. *BERLICH. p. 1. concl. 14. n. 91.*
CARPZ. dict. proc. tit. 5. art. 1. §. 6. n. 110. usque ad n. 113.
Nec sanari poterit defectus ejusmodi per verba à
mandante suscriptioni adjecta: *hoc esse mandatum in*
tali vel tali causa: *NICOL. in dict. proc. n. 12.* Ra-
tio: quia & in tali falsitatis suspicio militat. *BERLICH.*
d. l. n. 93. Imo nec juvat *Advocatum* vel *Procurato-*
rem ad legitimandum, si per literas mandantis vel
Principalis velit mandati defectum supplere. *Dn. NI-*
COL. cit. proc. c. 7. n. 12. ubi refert, ita in supremo Ap-
pellationum Judicio Term. Martin. 1627. decisum fu-
isse in causa Frauen Annen Amalien / Gräfin zu Solms/
Witwen an einen: Herrn Graf Ottens zu Solms
Lehnsfolgern an andern Theil. Excipitur tamen, si
literæ omnia legitimi mandati contineant requisita,
ut tradit *CARPZ. d. Resp. n. 6.* nec dubium est, quia
hujusmodi literæ magis legitimum mandatum, quàm
literas repræsentant. *CAMILL. BORELL. in summar.*
Decis. tit. 66. n. 30. à CARPZ dict. l. citatus.

Th. XXXII. Pari quoque modo secundo loco
non obest *Inhabilitatis* exceptio *Advocato* vel *Procu-*
ratori, mandato minus legitimo instructo, si modo

C

in

in ipſo adhuc Termino judicialiter cautionem rati realiter (juramentum enim non ſufficit) præſtare paratus ſit, quod ſit per Judiciſ Notarium, hanc rem Actis inſinuantem. *CARPZ. in proceſſ. tit. 5. art. 6. §. 1. n. 2. 2. 4.* ubi pronunciandi formulam exhibet.

Th. XXXIII. Quod multo magis obtinet in perſona ſanguine conjunctâ, quæ iplâ, etiam ſine mandato, præſtitâ realiter cautione Rati, Exceptione *Inhabilitatis* non obſtante, admittitur. *ULPIAN. in l. ſed & hæ. 35. pr. ff. l. exigendi. 12. l. maritus. 22. Cod. de Procurat. Dn. HILLIGER. in Donell. Enucl. lib. 18. cap. 12. lit. K. BRUNNEM. ad Cod. diſt. 11. CARPZ. diſt. proc. ars. 6. n. 10.* quod inter aſcendentes & deſcendentes in infinitum obtinet. *d. l. ſed & hæ. 35. pr. ff. de Procur. CARPZ. d. l.*

Th. XXXIV. Conſanguineos verò collaterales quod attinet, DD. non conveniunt, ad quem uſque gradum de J. Civili beneficium hoc extendendum ſit. vid. *BRUNNEM. ad l. 21. n. 17. Cod. diſt. Tit. Dn. HILLIG. diſt. lib. 18. cap. 12. lit. R.* ubi ſtatuit, quod ultra fratres extendendum non ſit, quia in *cit. l. 35. pr. fratrum ſaltem*, nec ulterioris gradus cognatorum fieret mentio: & hanc ſententiam quoque approbat *CARPZ. cit. proc. n. 25.*

Th. XXXV. Jure verò Saxonico, uti patet ex *Ordin. Proceſſ. Jud. Elect. Sax. rit. 7.* res expedita eſt, nimirum admittuntur conſanguinei collaterales uſque ad gradum quartum excluſive. *CARPZ. diſt. loc.* ubi maritum conſanguineis ſubneſcit *num. 30.* & denique ex affinibus ſaltem generum & ſocerum cum cautione de rato admittit. *n. 43.*

Th. XXXVI. Neque quarto obſeſt Exceptio *Inhabilitatis* ejusdem litis conſortibus, cautionem de

ra-

rato præstantibus, sicuti expressè constituit SERENISS. ELECT. in Ordin. *proc. Jud. tit. 7. §. 7.* Wir lassen aber sub fin. vers. welches auch in conlortibus ejusdem litis statt haben soll. *CARPZ. d. l. n. 50.*

Th. XX XVII. Neutiquam tamen existimandum est, mandatum legitimè confectum, (vid. hujus requisita diligenter tradita, & examinata, cum annexis formulis tam ex parte Actoris, quam Rei apud *Dn. NICOL. in proc. cap. 7.*) quamvis generale, modò non sit cum liberâ *Illustr. J. C. STRUV. Syntag. Jur. Civ. Exerc. 7. tit. 34. CARPZ. in process. Jur. tit. 5. art. 1. n. 69. §. 33.* per omnia personam *Advocati* vel *Procuratoris* legitimatum; Sic nihilominus impedimento est legitimationi specialis causa, de qua verisimile est litigantes non cogitasse, quas inter est causa recognitionis documentorum: Reassumendæ litis: Matrimonii: Delationis & Relationis juramenti: in integrum Restitutionis: capturæ: petendæ Executionis Instrumenti: de quibus & aliis insuper pluribus videri potest *JASON. in l. exigend. 12. Cod. de Procurat. Illustr. J. C. STRUV. in Syn. J. Civ. dist. 1. THOLOS. lib. 49. cap. 4. n. 9. 10. CARPZ. lib. 3. Resp. Elect. 8. n. 12. & in process. tit. 5. per soc.* ubi sententionandi formulam adducit his verbis: *Das Klägers vel Beklagens Anwalt seine Person durch Vorlegung eines sonderlichen hierzu ertheilten Mandats zu legitimiren schuldig* **W. R. W.**

Th. XXXVIII. Quod etiam ad eas personas, quæ sine mandato admittuntur, quarum mentionem in præcedenti thesi habuimus, rectè extenditur. *BRUNNEM. in l. 12. n. 11. Cod. de Procurat.*

Th. XXXIX. Mulierem de Jure Civili pro aliis postulare non posse, ambiguum non est, *l. 1. §. 5. ff. de*

postuland. l. 12. ff. de Judiciis. l. 2. de R. J. (1.) quia contra pudicitiam lexui congruenter est; alienis causis se immiscere. *d. l. 1. §. 5. (2.)* quia mulieres à viris defendi æquum est, non verò contra *l. quod si 2. ff. de Injuriis l. 18. cod. de procurat. (3.)* ne Judex mulieris venustate, vel facundiâ amore captus facile corrumpatur. *Illustr. Jct. STRUV. in Synt. Jur. Civ. Ex. 7. tb. 14. Dn. HILLIG. in Donell. lib. 18. cap. 3. lit. V.* Quod multò magis Jure Saxonico obtinet, quippe quò nequidem in propria causâ sine curatore ad litem legitimam in judicio standi personam habet. *Land R. lib. 1. art. 44. & 46. lib. 2. art. 63. const. Elect. 15. p. 2. in verb. : Dasß hinführo Witwen und Jungfrauen / ohne Unterscheid des Alters in allen Rechtlichen Processen, sie halten gleich Klägers oder Beklagens statt / ohne Vormunden nichts beständiges handeln mögen. Dn. HILLIG. cit. l.* Et sic nullum prorsus est dubium, quin mulieri, alienas causas in judicio oraturæ, utroq; Jure, Civ. & Saxon. obstat Exceptio, *quòd sit mulier. ZANGER. p. 2. n. 95.* ut etiam secundum jus Saxon. (secus jure civ.) ejus *Advocato* vel *Procuratori* æquè, ac si à pupillo esset constitutus, impedimento est Exceptio *inhabilitatis* : quia ut ipsa *inhabilis*, alium *habilem* reddere non potest, juxtâ vulgatum : nemo potest plus Juris ad alium transferre, quàm ipse habet. *ULPIAN. l. 54. ff. d. R. J.*

Th. XL. Quid si maritus? Idem dicendum, si tanquam *Procurator* uxoris agere vel excipere velit: Secus verò si tanquam *Curator* conjugalıs, & conjuncta persona, tunc, præstitâ cautione de rato, admittitur. *cit. const. Elect. p. 2. vers. Wie denn auch die Ehe männer &c. ZANGER. dist. tract. de Except. num. 22. 22.*

Th.

Th. XLI. Ponamus, mulierem extrâ Saxoniam viventem, mittere *Advocatum* seu *Procuratorem* mandato instructum in Saxoniam, an etiam validè opponi possit Exceptio *Inhabilitatis*? Affirmatur per alleg. *Const. Elect. 15. p. 2. CARPZ. ad dict. Constit. def. 7. & Resp. Elect. 13. l. 3. num. 1. arg. §. quam formam fin. Inst. de satisfactione*: Et debet *Judex* ex officio talismodi mulieri, in foro Saxonico ad litigandum *inhabili*, curatorem constituere, veluti clarissimè hoc ostenditur *dict. Constit. in verb. Umstzthalben &c.*

Th. XLII. Finge casum contingere, quò *Hermaphroditus* pro alio postulaturus est; *Adversarius* autem excipit contrâ eum, dicendo: *Tu es hermaphroditus*, adeoque *inhabilis* ad postulandum, quid *Juris*? Putamus *Exceptionem* valituram, quando liquidò constat, sexum foemineum prevalere *arg. l. queritur 10. ff. de statu homin. junct l. 1. §. 5. ff. de postulando & l. advocati. 14. Cod. de Advoc. divers. Jud.* Sed an in dubio locus inspectioni esse debeat, quæstionis est? *Negativam* amplectimur. *arg. princ. Inst. quibus modis tutela fin.*

Th. XLIII. Quamvis ex *Imperat. Justin. Constitutione* *Procuratori* non potuerit nocere *Inhabilitatis* Exceptio ob infamiam, *§. ult. Inst. de Except. l. 6 quis procuracionem. 34. Cod. de Decurion.* uti communiter *DD.* statuunt *illustr. J. C. STRUV. Exerc. ad ff. 7. l. 30. DONELL. & HILLIG. lib. 18. c. 9. lit. P. PETR. THEOD. in Jud. crim. cap. 4. aph. 4. lit. 1. num. 32. CARPZ. in proc. tit. 5. art. 1. §. 1. num. 14. LANGER. cap. 8. n. 99. de Except. THOLOS. in Synt. J. Univ. lib. 49. cap. 4. n. 11. obesse tantem potuit *Advocatol. 1. §. ait prator. 8. ff. de postul. l. Advocati. 14. Cod. de Advoc. divers. Judic. l. accusator 5. ff. de pravaricat. CARPZ.**

Resp. Elect. 3. lib. 3. num. 5. Quod multo magis Jure Canonico procedit, quò ne quidem infamis ad *procuracionem* admittitur *can. infamis 1. & 2. quæst. 7. caus. 3. Dn. STRUV. cit. l. ZANGER. alleg. tract.* Et hoc etiam in Camera Imperiali, aliisque Judiciis obtinet, attestante *Ordin. Cam. p. 1. tit. 18. & 19.* Imò & jure Saxonico, quod etiam in causis allodialibus in famem ab *Advocatura* munere arcet. *Land. R. lib. 1. art. 10. verl. Ein redlich Mann. vid. tot. tit. ff. de his qui notantur infamia. tot. tit. Cod. ex quibus caus. infam. irrogat. adde. Illustr. JCT. STRUV. Exerc. ad ff. 7. sb. 18. DONELL. & HILLIG. lib. 18. cap. 7. & 8.* ubi plene tractatur tam de his causis, quibus ipsò Jure infligitur infamia, quàm iis, quibus mediante sententiâ à Judiciè latâ, vel pœnitione, confessionem delicti continente. Sic ipso Jure, nullâ Judicis sententiâ expectatâ, infamia infligitur, qui quæstus faciendi causâ in scenam prodit, cuique spectaculum populo præbuit *l. 1. ff. arg. l. si fratres 21. Cod. de hæ. tit.* Exceptio est in pœnitente, re tamen adhuc integra existente, *l. 2. S. 5. l. 2. de hæ. tit.* vid. adhuc sex Exceptiones penes HILLIG. *cit. loc.* quas inter & hæc, si Scholastici voluptatis, industria, exercitamentive, non quæstus causa, commorantur agunt.

Th. XLIV. Non ipsò Jure, sed superveniente sententiâ condemnatoriâ, v. g. Si in contractu vel in quasi mandati, societatis, depositi, tutelæve quis ob dolum se condemnari patiatur, *l. 6. §. fin. ff. de hæ. tit. Illustr. Jct. STRUV. cit. l.* An igitur idem Juris, si quis ex prædictis contractibus ob latam culpam condemnatur à Negamus *arg. S. 6. Inst. de suspect. Tut. Dn. STRUV. cit. l. DONELL. cit. lib. 8. c. 8.*

Th.

Th. XLV. Quidam Advocatus s. Procurator
Patrocinium suum alicui promisit, visisque Juribus,
propalat illa omnia adversa Parti: deinde in Judici-
um vocatus vincitur, & condemnatur, quaeritur:
an ipsi postea in Judicio acturo recte opponi possit.
*Tues pravaricator? Affirm. l. 1. l. atheletas 4. §. ca-
sumniator 4. ff. de his qui not. infam. l. si is. 4. ff. de
Pravario. ex quibus liquidò constat, istum infamiam
incurrere: CARPL. Resp. Eiect. 3. lib. 3. n. 1. & seqq.
JUL. CLAR. pract. crim. §. fin. quæst. 72. vers. tergiver-
sator. n. 2.*

Th. XLVI. Neque evitabit Pravaricationis
crimen, indeque descendente infamiam, si pra-
tendat, Clientem promissum salarium solvere recu-
sasse; cum aliò modò, vel Acta retinendo, *Magnif.
Dn. BECHMANN. cit. Exerc. 8. num. 60.* vel Judicem
adeundo & implorando *CARPL. d. l. num. 11.* Ipsi
prospectum sit ad justum salarium nanciscendum, nec
necesse habet ob id statim variare, causam clientis de-
relinquere, eam adversa parti manifestare, illique
profus in Judicio patrocinio suo adistere *CARPL.
cit. l. num. 10. 11. & 12.*

Th. XLVII. Nec disparis erit fortunæ *Advo-
catus*, Actori qui hætenus præstitit patrocinium, li-
temque vicit; Si deinde, partibus Actoris de relictis,
in puncto executionis contra Reum instituendæ, ipsi
Reo patrocinari velit *CARPL. d. Resp. num. 16.* nec de-
ficit Ratio: quia nimirum conventio nondum finita
est, dum executio superest, & sic habendus esset pro
eo, qui & Actori & Reo in una eademque instantiâ &
conventionem patrocinium præstaret; quem tamen
pravaricationis falsivè criminis reum fieri manifestis-
simum est *ex l. pravaricator est 1. ff. de pravaricat.
CARPL. cit. l. n. 19.*

Th.

Th. XLVIII. Sed quid si uni ex litigantibus patrocinetur *Advocatus*, incidit ne & tunc in prævaricationem, cum clientis sui Jura manifestat parti adversæ, etiamsi nullum ab eo accipere velit honorarium? Affirm. per dict. l. 1. Magnif. Dn. BECHMAN. cit. Ex. circit. num. 64.

Th. XLIX. Fingamus, Sejum *Advocatum* vel *Procuratorem* bibisse cum carnifice quodam, deinde Sejo alicujus litigantis causam in judicio deducturo objici *Inhabilitatis* Exceptionem propter id, weil er mit dem Scharfrichter getruncken hätte: quæritur an rectè? Resp. quod non: quia ipse carnifex non est infamis; Sed saltem levis notæ macula laborat. *Illustr. JCT. STRUV. in Jprud. Rom. G. For. lib. 1. tit. 13. aph. 8. & Exerc. ad ff. 7. thes. 20. Magnif. Dn. BECHMAN. dict. Exerc. num. 71. ubi refert, sic Collegium Jdorum Jenens. mens. Mart. Anno 1621. pronunciaffe in verb. Das kein Nachrichten seines Standes und Amtes halber für unehrlich zu halten. quare inconvenientissimum esset, bibentem eam tali infamiæ maculâ conspurcari. arg. l. sancimus 22. Cod. de Pœnis. Interim prudenter & cautè agitur, si ejusmodi hominis conversatio negligitur.*

Th. L. Idem Juris in eum esse statuendum arbitramur, quem, dum in felix in milites impios, acres literatorum osiores, incidit, officio carnificis, v. g. quendam suspendendo, vel fugitivo militi aurem abscindendo, fungi oportuit. arg. l. 1. §. 6. ff. de postul. & l. perspicendum 11. ff. de pœnis. cum infelicitas fati talem excuset l. 12. ff. ad L. Corn. de Sicar. Quare repellendus est sic excipiens: Tu carnificis officio functus es? nec injustè Actioni injuriarum locus derelinquendus.

Th

Th. LI. Cum nonnulli quandoque *Advocati* sint tam in civiles, & improbi, ut magis injuriis, quam legibus in positionibus suis utantur, clientes ad negandum instruant, ad jurandum adhortentur, non immerito secundum delicti qualitatem, & alias occurrentes circumstantias ipsis Advocaturam & foro interdicitur, vel in perpetuum, vel ad certum tempus. *PAPINIANUS. Imperator. s. ff. de postulando. l. moris est. g. ff. de pen. l. cum a praefecto. i. l. si quis. s. l. providendum est. Cod. de postul. l. si remunerandi. G. J. Marius Papius. ff. mandati.*

Th. LII. Sed posito, alicui *Advocato* foro & Advocatione in quinquennium interdictum esse, an finito quinquennio postulandi & advocandi facultatem recipiat? *Affirm. dict. J. Imperator. s.*

Th. LIII. Quid si ex crimine famoso impostum ipsi fuerit silentium? idem adhuc erit dicendum *dict. l. s. ubi habetur Divum Adrianum* sic rescriptisse, adjecta hac ratione; ne poena tempore determinata, contra sententiae fidem ulterius porrigatur. *WISSENB. disp. ad ff. ii. th. 2. DUAREN. ad tit. de postul. cap. ult. Ampliatur, ut nec adversarii patientia & consensus illum habitare possit, cum ipse Judex ex officio talem repellere possit. G. JUS. l. quos prohibet. ff. de postul.*

Th. LIV. Occasione praecedentis ulterius inquirendum, an *Advocatus* seu *Procurator* postulare prohibitus, ubique, sine locorum & judiciorum distinctione, postulare prohibeatur? Refert distinguere in hoc proposito, utrum prohibitio sit facta una cum infamiae macula; utrum vero sine illa. Priori casu ubique; posteriori vero non aequè. *WISSENB. cit. l. & sic recte in aliquo illustri Regimine postulare*

D

pro-

prohibitus, coram senatu oppidano non censetur
prohibitus: tum quia ex distincta magistratus
persona, aut majoris estimationis est injuria, aut
minoris, vel prorsus nullius *arg. §. si communi seruo 4.*
Inst: de Injuriis: tum quia in poenis benignior inter-
pretatio facienda *cap. 40. de R. l. in sexto. & cap: odia*
u. l. interpretatione 42. ff. de Panis.

Th. LV. Lucius *Advocatus* ebrietate nimia
obrutus, postulandi causa comparet in Termino, Ad-
versarius autem ex ejusdem titubantia aliisque pluri-
bus indiciis hoc animadvertens, statim excipit contra
eum, dicendo: *Tues ebrius: quæritur an recte?* Resp:
quod sic; tum, quia qui nimio vino inauigent, nec sci-
unt quid loquantur, *can. sanè 7. c. 15. quæst. 1.* tum quia
ebrietas poenam meretur, *can. inebriaverunt. 9. dist.*
caus. & quæst. tum quia ebrietas ad excessus commit-
tendos est proclivissima *l. omne delictum 6. §. qui se vul-*
neravit 17. verb. per vinum lapsis ff. de re milit. tumq; de-
niq; quia & decor & dignitas judicis talem non patitur
l. ff. de postul. Hinc vigore Exceptionis oppositæ: *Tu*
es ebrius; non injuriâ Lucium repelli existimandum
est, juxta illud:

Turpius ejicitur, quam non admittitur hospes.

Th. LVI. Quandoque causa in judicio trañan-
da *Postulaturis* seu *Procuraturis* impedimento est,
quo minus *habiles* admissibilesque sint, veluti, si quis
uni ex litigantibus patrocinium promiserit, proinde-
que omnia Acta & jura legerit, ac recognoverit, po-
stea tamen mutato consilio alteri ex litigantibus pa-
trocinium prestare paratus sit, tunc enim non injuste
contra eum excipi potest: *Tu Acta mea & jura vidi-*
sti, eumq; patrocinium mihi promissisti; adeoque Pra-
varicator es! *Illustr. JCT. STRUV. Exerc. ad ff. 7. eb. 100*
nec

nec talis se defendere poterit contra Exceptionem
oppositam, quod promissum salarium cliens dare re-
culaverit. *STRUV. allegat. loc.* Cum *Advocato* non
liceat variare.

Th. LVII. Imò & in aliis justioribus vehemen-
tioribusque causis, Reum ipsum requirentibus *Pro-
curator inhabilis*, v. g. Juris jurandi à litigatore præ-
standi, matrimonii, aut factum obscurius continentibus,
quod clarius & manifestius ex ipsius Rei vultu ac
sermone reddi potest *DONELL. & HILLIG. cit. loc.
lit. C.*

Th. LVIII. Finge Sempronium passim obam-
bulasse, *Advocatos* peritiores adiisse, multa de causa
sua justitiâ dixisse, *Acta & Jura* sua ostendisse, illo-
rumque auxilium in præstando patrocínio implora-
sse, quaeritur, si deinde Adversarius unius ex aditis
patrocínio utatur, an rectè in eadem causa opponatur
Inhabilitatis Exceptio? Resp. Affirm. per *l. i. ff.
de prevaric.* Nisi primò malitiosè hoc fecerit Sem-
pronius, quo facundiores urbis *Advocatos* adversario
auferret, vel secundò nondum patrocínium Sempro-
nio promissum fuerit: utroque tamen casu ex con-
silio Judicis hoc faciendum, uti benè monet *Dn.
STRUV. dist. Exerc. ad ff.*

Th. LIX. In causis criminalibus hodie ex parte
Accusatoris sine discrimine *Procurator*, speciali ad
hoc mandato instructus, admittitur, attestante *Dn.
PETR. THEODOR. in tract. Crim. cap. 4. apb. 4. lit. A.
num. 2. JUL. CLAR. §. final. quest. 12. num. 17. & quest.
32. vers. Ratio autem num. 3. ubi scribit: Es ideo ex
parte Accusantis semper admittitur Procurator.
ZANGER. cit. l. n. 10.*

Th. LX. Accusatum verò s. inquisitum quod
attinet, cum citatus *Procuratorem* mittit, regulariter
non admittitur : proinde *Inhabilitatis* Exceptio &
tunc validè opponitur ; quod non solum in criminibus
publicis, sed etiam in privatis delictis verum est,
modò propter illa ultra relegationem pœna sit irro-
ganda. *PAPINIANUS, l. Accusatore 13. §. 1. ff. de public.
Judic. JUL. CLAR. cit. loc. num. 1. & 2.* ubi communem
hanc D D. esse opinionem attestatur : ratio etiam
huius decisionis suâ luce radiat, quia, si *Inhabilitatis*
Exceptio contra *Procuratorem* locum non obtineret,
quilibet Reus mitteret *Procuratorem*, qui pro ipso
compareret : & si per sententiam pœna corporis affli-
ctiva irrogaretur, executio sententiæ fieri non posset
JUL. CLAR. cit. loc. num. 3. cum vix excedendum sit,
condemnatum in loco permaniturum, deprehensio-
nivè locum derelicturum : Tutior ergo in hoc passu
est realis citatio.

Th. LXI. Sed cum Inquisitus carceri inclusus
continetur, nullum planè est dubium, quin ipsi *Ad-
vocatus* ad defensionem conficiendam concedendus
sit, cum defensio Juris naturalis sit, quo & bestia utan-
tur, multò magis homines *l. si quadrupes. 1. §. cum arietes
11. ff. si quadrupes pauperiem & c. l. itaq. 4. princ. & l. scien-
tium 45. §. qui cum aliter 4. ff. ad L. Aquil. COEPOLL. con-
sil. crim. 44. n. 4. & consil. 66. num. 3. HYPPOL. de MARSIL.
ad l. 18. §. cogniturum. 9. de questione. n. 47.*

Th. LXII. Sed quid si egenus sit Inquisitus,
Advocatum habere non possit ob paupertatem? Resp.
Hoc in puncto magistratum ex officio teneri ad con-
stituendum *Advocatum*, impensis ex publico sumen-
dis : *HYPP. de MARSIL. in pract. crim. §. nunc vi-
dendum* : prout hanc in rem justissimè disposuit CA-
rol.

ROL. V. P. H. D. are. 47. in f. verb. Wo aber der Verklagte oder seine Freundschaft solche obgedachte Unkosten zum Theil halber nicht ertragen oder erleiden möge / damit denn nichts desto minder das Ubel gestrafft / oder der Unschuldige wieder Recht nicht übereilet werde / so soll die Obrigkeit die Kosten darlegen / und der Richter in Rechten verfahren & secundum hanc Ordinat. criminales quoque tidie pronunciari à Sabinis nullum est dubium.

Th. LXIII. Militibus quoque obest hæc Exceptio. ALEXANDER. in l. militem 7. Cod. de Procur. nec ratio obscura est, quia reipubl. interest, eum non advocari à militia, dict. l. DUAREN. ad tit. de Procurat. c. 4. Quibus assimilantur monachi cap. 1. 2. extra ne clericis vel mon. secul. se immisc. neg. qui ne quidem in foro Ecclesiastico habiles sunt can. monach. 35. c. 16. quest. 1. Dn. HILLIG. in DONELL. dict. lib. cap. 3. lit. M. nisi Ecclesiæ utilitas ita exigat, Abbate tamen prius Imperante dict. can. Monach. Dn. HILLIG. cit. l. & ratio adest, ne nimirum ejusmodi persona à divinis ad profana avocentur. DUAREN. dict. l. quod multo magis in criminalibus causis procedit HILLIGER. dict. l.

Th. LXIV. Surdum inhabilem esse, sat apertum est ex dict. l. §. 3. cum non possit exaudire edictum Prætoris l. 1. §. 3. ff. de postulando. Sed quid si tardius exaudiat? tunc eum exceptione hæc non esse repellendum putamus arg. cit. l. & arg. §. item Surdus 3. Instit. quibus non est perm. fac. testam. Ratio quia sæpe literati & eruditi Viri variis casibus & audiendi & loquendi facultatem amittunt. Imper. dict. §. 3. Idemque Juris de eo statuendum, qui articulata seu hæsitante voce loquitur dict. §. & ratione citata.

Th. LXV. Sunt & aliæ plures adhuc personæ, quæ Procuratoris vel Advocati munere fungi non

possunt, de quibus videri possunt BRUNNEM, *ad ff. tit. de postul. & tit. de Procurat. DUAREN. DONELL. & HILLIG. dist. I. THOLOS. lib. 48. cap. 7.*

Th. LXVI. Oppositâ igitur ritè & justè à litigantibus vel ipso etiam iudice, prælaudatâ Exceptione, contra Adversâ partis *Advocatum* seu *Procuratorem*, sequitur, ut instantia dissolvatur, positiones ab Actis removeantur, sententia, si qua lata, nullius momenti sit. Adversarius in Expensas condemnetur, *Advocatus* ipse, circumstantiis ita exigentibus, poenâ quâdam pecuniariâ afficiatur, infamiæ maculâ conspurcetur, de quibus omnibus & singulis in antecedentibus Thesisibus tractavimus.

Th. LXVII. His itaque nunc positis præsentî Dissertationi, leviter secundùm tenuitatem genii conscriptæ, finem impono, ac DEO ter. Opt. Max. gratias, pro viribus ad hoc concessis ago maximas, humillimè rogans, ut ulterius gratiâ suâ cœlesti mihi clementer adesse velit.

FINIS.

COROLLARIA.

I.

Unus ex litigantibus vel ipse, vel *Advocatus* ejus dolo usus est: quæritur, an alterius litigantis *Advocatus* contra talem, iterum dolo uti licitum sit? Neg.

II.

Mævius cum cliente pactus est de certo salario & quidem sine distinctione, sive vincat, sive minus: deinde ulterius sub hac conditione, si victoriam reportaturus sit, de certo palmario ultrâ prius pactus est, quæritur an cliens teneatur? Affir.

III.

Pacto sic nunc inito Mævius *Advocatus* ante vi-

victoriam reportatam inter homines esse desiit, quaeritur si post ejus mortem clientulus feliciter obtineat, an Mavii haeredes valide promissum petere possint palmarium? Neg.

IV.

Quidam asserunt, infamiam rectè dividi in eam quae *Juris*, & eam quae *Facti* est: quidam verò hoc negant: quam nam ergò ex istis duabus diversis sententiis eligendam esse arbitraris? Eam, quae divisio asseritur, tenendam esse arbitror.

V.

Cum quidam, mole debiti praegravatus, bonis suis cessisset, deindeque in foro *Advocatum* agere vellet excipitur contra illum? *Tu bonis cessisti*: quaeritur an arcendus sit à postulandi munere? Resp. quòd non, quia cessio bonorum non irrogat infamiam *l. debitores ii. Cod. ex quib. caus. inf. irrog.*

VI.

Sempronius in propria causà *Advocati* munere functus est, suumque Adversarium vicit, quaeritur an rectè petat salarium? Neg.

VII.

Levissimam culpam admittens clientis suo *Advocatus* detrimentum causatus est, quaeritur an teneatur hoc rescire *Advocatus*? Neg.

VIII.

Verus *Procurator* ad cautionem praestandam non est obstrictus.



Nobilis applaudit Themidos Tibi turba docenti.
Quam multi praestes dotibus ingenii?
Ornamenta Themis molitur pollice docto
Nobilia, inque Tuum labitur ipsa sinum.
Auguror & voveo cupidus Tibi nobile nomen,
Quod jubare exsuperet nobile stemma suo.

*Hae pauca Nob. atq. Clarissimo D. N.
Auctori Resp. Amico estimatiss.
gratul. apposuit*

M. Joh. Paulus Hebensireif.

Nicht/was von außen gleich ist/ist Golde gleich zu
schätzen/
Nur durch die Probe wird sein edler Werth er-
kante;
Wer nur mit Worten prahlet / und ungelehrten
Schwätzen/
Wird sonder Fug und Recht ein Advocatgenant.
Ein solcher Nichts-Kopf wird nie den Kranz erlangen/
Womit Aescra's Hand begabte Geister schmückt/
Die Göttin selbst verlacht sein kühnes Unterfangen
Und ruckt ihm officers vor/Er sey noch ungeschickt.
Ein mehrers kan hier von die netzte Schrift uns
zeigen/
Die deingeschärffter Kiel ist an das Licht gestellt;
Den Meister lobt das Werk! Die Neider müssen
schweigen/
Selbst Themis öffnet dir Ihr göldnes Ehren-Zelt,
Dem Herrn Antwortenden/seinem viel werthem
Freunde schrieb dieses eifertig

Salomon Franz / von Weimar.
D. A. B.


DFG

Jena, Diss., 1681

(X 2403652)

VDA





~~ii~~ Pra. II. num. 22.

Q. D. B. V. • 1687, 2/

TIO JURIDICA

30

DE
IONE INHA.

IS CONTRA

OCATUM,

Quam
ris Jctorum Jenensium

Ordinis,
RÆSIDE

CHRISTOPHORO

CH/ J.U.D.

ceptore suo aeternum colendo,
diem Julii

o, loc. LXXXI.



torio Juridico

torum censuræ exhibet

DUS SCHELLER,

via - Varifcus.
& RESPONDENS.

JENÆ,

uelis Adolphi Mülleri.